

欽定四庫全書

子部
衛濟寶書卷
上下

詳校官太醫院醫士 臣 舒 岱

編修臣 倉聖脈覆勘

勝錄監生 臣 汪本中

勝錄監生 臣 陳 逆



欽定四庫全書

子部五

提要

衛濟寶書二卷

醫家類

臣等謹案衛濟寶書二卷舊本題東軒居士

撰不著名氏陳振孫書錄解題宋史藝文志

載之皆列其目為一卷世間久無傳本惟永

樂大典內尚有其文並原序一篇稱予家藏

癰疽方論二十二篇圖證悉具可傳無窮故

欽定四庫全書

衛濟寶書

記之曰家傳衛濟寶書序中具述方論之所

自來而復言憑文註解片言隻字皆不妄發

云云然則是書所載本以經驗舊方裒輯成

帙惟中間註語乃東軒居士所增入耳又別

有董璉序一篇紀其得此書于妻家汪氏始

末中有乾道紀年知東軒居士尚當為孝宗

以前人特其姓名終不可考至徐文禮不過

校正刊行而所作後序亦有舉諸家治法集



<p>成一書之語乃當時坊本售名欺世之陋習</p>	<p>不足信也所列論治諸條皆設為問答之詞</p>	<p>原序以為傳之不老山高先生其說頗荒誕</p>	<p>不可稽而剖晰精微深中奧妙實非有所師</p>	<p>授者不能其後臚列諸方附以圖說于藥物</p>	<p>之修製針灸之利害抉摘無遺多後來醫流</p>	<p>所未見謹因其舊文掇拾排比析為上下二</p>	<p>卷著之于錄以備醫家之一種其乳癰軟癰</p>	<p>二門則別系之卷末俾各從其類焉乾隆四</p>	<p>十六年九月恭校上</p>	<p>總纂官 <small>臣</small> 紀昀 <small>臣</small> 陸錫熊 <small>臣</small> 孫士毅</p>	<p>總校官 <small>臣</small> 陸費墀</p>	<p>欽定四庫全書 衛濟寶書</p>
--------------------------	--------------------------	--------------------------	--------------------------	--------------------------	--------------------------	--------------------------	--------------------------	--------------------------	-----------------	--	---------------------------------	------------------------



原序

予仲父乾道庚寅歲六月苦背瘡其發甚微欲以蒜餅
炷艾猶未下也一日醫者令飲大黃朴硝則隱然矣先
以滓覆其上越夕視之已寸餘遂急去藥令外科調治
旬日盈尺勢猶未已也梅根編戶文居禮工此醫活人
不以數計召而醫之服藥熏貼十日而瘡斂二十日而
肉生璉一日至汪氏妻家得所傳背方一帙默契居
禮所用藥其服者迺卷中逼毒散傅者迺黃真君妙貼

欽定四庫全書

衛濟寶書

散熏藥用雌雄黃等皆是卷尾一二方如卷首十一論
入門式試法用藥法鍼灸法藥之仙翁指授散老翁神
杖散玉女飛花散趙侯鬚散六化丹等皆居禮未嘗耳
聆而目見者後以此集示居禮令互用之其病不兩月
平復嗚呼病之勢大矣藥之功亦大矣特患人不能得
此而善用之今居禮以卷之一二方而愈人疾若是况
得集大全者則活人豈有極耶名曰衛家濟世寶書不
亦宜乎予不敢私于家謹以此授居禮仍傳好事者姑



叙其始末云董璉序

予家藏癰疽方論二十二篇共為一帙其方論精微圖
證悉具隨病施效可以傳之無窮而為衛家濟世之寶
故記之曰家傳衛濟寶書凡採百家之說會十經之旨
以自得之妙條陳篇目使傳者易明而易行其中答問
指授之文傳之不老山高先生玉女飛花散得之洞靈
辛隱士老翁神杖散乃深溪吳道士之方趙侯鬚一宗
實清河衲僧所傳而犀角丸雖萬全本載實因文宮先
生之所得食膏蹄湯來自千金散瘡潰之後非此不可
散稱十竒黃山竒效之藥乳癰軟疔三溪老人所珍鍼
法師於石龍法師灸訣休寧道人見教憑文注解片言
隻字皆不妄發行之十有二年救人莫知其數方旨稍
奧須息心澄意顯悟之後可以奉行庶幾不誤後人其
為陰德亦不淺矣東軒居士序

欽定四庫全書

衛濟寶書



欽定四庫全書

衛濟寶書卷上

論治

先生問師曰癰疽之異何重何輕視外得內據形知死
生以何別之師曰皮膚之深肌肉之淺浮虛以廣或蔓
延三四遊走旁注此則癰也曰治之何先曰成者泄之
盛者疾之攻內後外三日成功此言癰成而有膿者當
針以泄之熱毒甚者針
以疾出之曰癰之治既聞矣疽可得聞乎師曰甚哉五臟銳

欽定四庫全書

衛濟寶書

毒而為疽熱蘊乎五臟而聚氣逆乎諸陽而欲越會丹
府燥榮衛大盛而作結乎此根於裏十之已七毒諸外
三見其一小形堅本銳若鐵足欲觸遙畏痛心惱骨寒
熱以乘陽之證悉具來者速泄陽會敗者急救其裏泄
言灸救巧工如經先時具全未越未透妙在揭指針也
裏言藥出皮越膚曰

問曰病有至甚而生微而至死病証難辨死生何從決
乎答曰發背透膜者死不治此言肝未潰肉陷面青唇



黑便汚者死

此言壞藏便見瘀血

潰喉者不治陰入腹者不治入

囊者死鬢深及數者不治

謂如及寸餘者

在頤後一寸三分毒

銳者不治无此者生流注雖多療之必愈

問曰針灸之法不一何至為工答曰針固妙法不得其

旨禍若反掌灸亦要道熱病必亡

謂如九毒心火俱盛而劫之以火於瘡上

而灸之疽則立死

問曰癰疽之病有取乎脈否答曰聖人周知治病若合

符節非脈而何脈之周身安則至常衰盛遲數於此以

欽定四庫全書

衛濟寶書

決死生病甚反遲逆也病痿尤數未瘥也遲冷數熱了

然不匿洪數繁盛乃病之脈病今隆結雖盛不畏及濡

而沉死在七日綿微不治病在上焦寸不能應浮於皮

膚者為癰為順入於肌肉者為疽為逆病在下焦寸反

攻盛天不能應遲數順逆尤存乎消息浮滑而透寸沉

實而滑堅此金石脈也厥陰陽明數而實食毒也堅牢

癰結太陰過厥陰弦榮少專經所主以九部稱之

問曰五善七惡可得聞乎答曰食飲如常一善也實熱



而大小澁二善也內外病相應三善也肌肉好惡分明
四善也用藥如所料五善也發渴而喘精明眼角向鼻大
小反滑一惡也氣綿綿而脉濡與病相反二惡也目中
不了了精明陷三惡也未潰肉黑以陷四惡也已潰青
黑腐筋骨黑五惡也發痰六惡也發吐七惡也

夫人稟五行之氣而生者金木水火土是也故分配四
季有陰陽寒暑之位順之則風調而氣和逆之則風亂
而氣悖百病所以生也雖人能知其理奈緣四時之氣

欽定四庫全書

衛濟寶書

或有乖失故表竅不勻三焦壅塞血澁肌表致有五發
癰疽之患也發者五臟六腑不和之所生蓋五臟主裏
氣生經絡而沉六腑主表氣生經絡而浮若喜怒不常
飲食不節陰陽不調冷熱相干於是臟腑氣虛則腠理
開踈腠理開踈則寒邪客熱於經絡之間寒氣既折則
榮衛稽留於脉且榮者血也衛者氣也血榮得寒則澁
不行衛氣從之與寒邪相搏故壅遏不通氣者陽也陽
氣蘊積則生熱熱則血澁寒熱不散故積聚為癰疽疽



之狀氣內攻皮厚強實痺而生寒寒以發熱寒熱蓄積
故傷肉而壞肌肌壞則化為膿血夫癰患屬表骨髓不
枯易為醫治疽患屬裏傷骨壞筋則難調理經曰一寸
二寸為癰已上至一尺來許者為疽其五發各有五色
起因癰疽疔之四發各有顏色惟小者為癰所治頗
為易耳凡人纔覺發作結聚發作寒熱或不寒只熱之
狀疼痛腫赤癰痕闊硬若過五寸以來者或在頭背或
在肢節或不見形狀者便宜下大車螯散如只三寸二

欽定四庫全書

衛濟寶書

寸癰痕者只下小車螯散如癰已破即不可用大小車
螯散今畫出五發形象顏色圖之於後

正發論正發者脉洪盛頭痛發寒熱大便結小便赤痛
徹骨筋眼睛疼如陽證傷寒但苦痛有形腫赤不可近
手腫赤焮長上有如烟漿沸潑者如粟米之白者皆風
毒心火三者所併而然也當下大黃犀角生地黃汁絲
瓜汁之藥與正藥併行之仍相度用針灸乘其未膿而
攻之得宣以不潰而愈此上工也渴者無畏大小便結



赤渴而喘無畏大小便滑者逆善惡在前論

癰疽五發

一曰癌



赤色

癌疾初發者却無頭緒只是肉熱痛過一七或二七忽然

紫赤微腫漸不疼痛迤邐軟熟紫赤色只是不破宜下

大車螯散取之然後服排膿敗毒托裏內補等散破後


用麝香膏貼之五積丸散疎風和氣次服餘藥

方見後

欽定四庫全書

衛濟寶書

二曰癰
布昭切



癰者始初聚結尖腫根脚赤白色高處帶紅赤腫實

疼痛憎寒壯熱口乾渴百節疼痛困倦沉重飲食少未破


者即下大車螯散如先破下小車螯散然後服輕肌

活膿內托等藥次洗點破等藥加服小車螯散膿毒不

決即服二三取活膿血



三日疽



赤色

疽初起如麻豆子大痒痛抓破如小瘡後漸結癥痕作
癩以次皮破竅穴漸如蜂房多有膿毒不出結痛憎
寒多熱滿悶無力頭目昏眩百節拘急睡卧不得或有
吐逆日加煩痛瘡如火燒更不可服大車螯散只服小
車螯散與解關輕肌活體等散止痛退寒熱解昏眩

欽定四庫全書

衛濟寶書

仍勤用洗貼去爛肉與膿毒

方見後

四日痈



痈發者形狀三兩箇或手背不日消退自破苦無膿血
毒汁意以為安愈忽因消渴腎所攻及至春冬再在背
膊或腎脬上生一箇兩箇疼痛赤腫腰疼筋緊拘急喫
物多常飢燥小便赤大便澁三五日一通或破下小車



螫散未破下大車螫散逐日下內消內解散

方見後

五曰癰



癰初起突如蒸餅又如魚形一頭或一頭小或橫在背
膊或在脇肋間及二三寸許堅實赤腫時發熱疼痛如
未破服大車螫散已破服小車螫散次用內消內解等
藥與治癰法治之

欽定四庫全書

衛濟寶書

問曰古今之用藥制度與夫金石之變草木之反虛實
之蒸食毒之發願盡言之答曰古之治病隨證施設如
箭中的故應手而愈妙體存乎心模體行以意今人之
體古方書無有加減禍福相半古稱單方療病為效最
切擇以佐使斯為治病癰疽之疾如山源之水一夕暴
漲非決其要會支之大渠使殺其勢則潢潦為災猛烈
之疾以猛烈之藥此所謂以毒攻毒也金丹之性真水
不勝客火上炎草木之反熱毒蘊結五金八石各從其



類硃砂下砒硝石化伏

伏謂伏火丹也

犀角大黃攻治無畏仙

芝無虛實證此外則針灸佐之

謂如仙芝之外它方作針灸佐之不可千

金方惟五香連翹散豬蹄湯萬金犀角丸有準鬼遺方

世稱奇妙究其所以除木占斯散未聞可以施手而敗

醬占斯世皆莫識遂為文具蘇良忍冬不能救急菘豆

乳香可治金石舉此顯顯數者以別是非爾後不可槩

舉然倉卒之間醫者紛紛莫知適從上下畢備乃可成

事應入門看候便須以醋調藥未潰者當心點之如碁

欽定四庫全書

衛濟寶書

子大良久視其痛與不痛不知痛者加一點不痛良久

又加一點至滿上而不痛及痛如昔者為入肉為不應

藥以上論仙芝外無他法只依本方用之

已潰者捻子試之及數與未及

數者決輕重應點隨手而痛者妙食頃者四分又食頃

者七分

此言尋常痛今點愈痛昔日痛今不痛皆應上法

消息在臨時之妙須

定意商量蓋於此時決生死也既應病服藥初進二錢

如五里進三錢如五里進四錢如早至晚六錢止如此

兩者亦言以毒攻毒也

此言仙芝餘藥依本法

當日進藥三服後



即用藥傅之圍瘡四面所潤腫處以防其它注視其東西四向除依上法塗圍外於其頭上用藥一點此妙不傳之法也

試法論瘡已潰須用好厚紙作一合索捻子捻入看分數如背上自肝膈以上試直入無偏斜及一寸三分者為將通十全三四過此不治雖過數而精神強者須以竹膜一片可覆瘡口密者先擇一淨明室中以水濕瘡口四旁然後覆竹膜在靜看其動似氣之拽拽則已通

欽定四庫全書

衛濟寶書

矣非風非扇而與呼吸相應十死不治無此者可療餘法載前論一應背潰皆以此法試至妙如無大竹膜可糊合為之

腐肉色青黑缺牙不附骨者用煉刀竹刀割之或已腐而肌肉薄者不可割當下食惡肉膏先燻後用應潰後無死證可下手不然不治

證見前論

長肉之法須惡肉盡乃可下下而看淫淫生而看紅黃者吉淫生而無肉意青黑者凶未下前先用藥湯洗洗



後復用葱少鹽多湯洗之微乾乃可用忌一切厭穢婦人孝子見之下後仍不許他人揭看大凡無淫肉不生淫上有一層淫淫如黃綿在肉之上也

有膿者脉洪數而緊痛如刀錐雞啄按之似欲隨手當先以取膿針潰之潰之而脉應證退不加針灸惟平補而愈當用十奇散之類潰而證不退如針灸法

又有肉裏癰一證在好肉之裏有膿當決之否則成附骨決而以油捻子塞之良久乃出可以盡毒應行肉裏

欽定四庫全書

衛濟寶書

針須量其人平日飲量以酒調藥乘其服藥酒後而決之然背無此證厚肉有之腸癰在膚准此

打針法用馬銜鐵於甲子日一日煉打陽針一枚如韭葉長三寸六分丁酉日打陰針一枚長二寸四分驚蟄日打雷鋒針一枚長二寸四分又打取膿針一枚如韭葉長三寸六分打煉刀一枚小鉤一箇右用桑白皮紫藤香煮一周時以紫藤香末藏之陽針針獨疽陰針針癰雷鋒針針恠形非恠形者不須辯認仔細乃可像或



以尾為頭誤人不淺中脊傳貼大痛不止先後失序療之難愈 假如只一箇瘡看四面無頭其頭在中仍不許於中點之大逆只於四旁厚塗依常法 假如一箇至數箇須察其至甚先甚後輕先輕後甚法當先其輕者後其甚者反此者即與本方服藥不能應雖不害其命而留之日久病形雖多針傳則一收支攻內候其聚合逐之速解內毒甚者急攻其內外毒甚者速瀉其熱日夜收攻庶幾無失詳見圖形

欽定四庫全書

衛濟寶書

騎竹馬灸法治發背腦疽腸癰奶癰下部癰喉癰牙癰手足一切癰疽或脅腹不測丹癰緊硬之屬先令病人以肘凭几豎臂腕要直用篋一條自臂腕中曲處橫紋男左女右貼肉量起直至中指尖盡處截斷為準不量指爪却用竹扛一條使病人脫衣騎定令身直前後用兩人扛起令脚不著地又令一人左右扶定勿令僵仆却將前所量臂腕篋從竹扛坐處尾間穴直貼脊骨量至篋盡處為準用墨點定此只是取中非灸穴也却用



稻稈子量病人中指中節相去兩橫紋為準男左女	右剪斷將稻稈準子從篋點定處兩邊各橫量一寸準	子盡處取兩穴各五壯或七壯不可多灸不問癱生何	處並用此法灸之無不愈也蓋此二穴心脉所起凡癱	皆心火留滯而生灸此二穴則心火即時流通不三日	而愈可以起死救危有非常之功也屢試而屢驗矣素	問云諸痛痒瘡皆屬於心又云榮氣不和逆而肉理則	生癰腫榮氣者血也心能行血血既滯則血不行故逆	欽定四庫全書 衛濟寶書	於肉理而生癰腫灸此二穴心火調暢血脉自流通愈	於服藥多矣	第一法	先從男左女右臂腕中曲處橫紋起用薄篋一條量	至中指齊肉盡處不量指爪為準剪斷	第二法	男以左手女以右手先將中指用薄篋量取中間一	節兩橫紋斷為同身一寸為準子
----------------------	-----------------------	-----------------------	-----------------------	-----------------------	-----------------------	-----------------------	-----------------------	----------------	-----------------------	-------	-----	----------------------	-----------------	-----	----------------------	---------------



第三法

先令病人脫去上下衣服以大竹杠一條跨定令兩人徐徐扛起足要離地五寸許兩傍更以兩人扶定毋令動搖不穩却以第一圖準子貼定竹杠從尾間起貼脊量至準子盡處以墨點定記之非灸穴也此是取中穴止處却以第二圖取同身寸準取兩寸平摺自中穴量之以中分取兩傍各一寸方是灸穴治腦疽發背癰毒一切惡瘡并婦人妳癰灸法以麻皮

欽定四庫全書

衛濟寶書

一條從手臂大曲橫紋中度起牽至中指第二節橫紋處為準引而倍之截斷遂將此準從結喉處按定雙引兩頭垂於背脊直下取準頭盡處點定此是定高下也又以小竹篾一條比大拇指上節一寸為準却將此準就於背中點定處旁去一寸點一穴灸五壯或七壯若已破灸後三二日間瘡口合再就前穴又引一寸點一穴灸五壯或七壯凡此點穴亦皆男左女右不可絲毫失也 此灸法活人甚多立有神効故錄本附于




寶書之中以救疾苦不可忽之

欽定四庫全書

衛濟寶書

凡點穴用灸須端坐以兩手垂於膝上頭不可俯
仰動搖庶不失穴道切宜記之



此是定高下處非是穴也

此穴是瘡口合再就前穴引寸是此穴也

此穴是定高下處旁取一寸是此穴也



	欽定四庫全書 衛濟寶書	灸法曰諸陽熱而為癰疽故灸手左右曲池手七里肩 峯骨後縫足風市足腿骨上縫骨足三里炷如麥粒各 灸三壯立止痛也 又灸一切惡瘡並喉閉發背等每用細索或帶子以病 者右手大指第二指拈直臂量當心看索之多少平折 作兩半自病者喉以索覆搭過至背上看至近處兩頭 各更加一寸夾脊骨為穴各灸三壯立效 趙唐卿傳
--	----------------	--



欽定四庫全書

衛濟寶書卷下

方法

正藥指授散 此藥本無名因先生遇老人於山自云
姓徐指而授之乃號徐仙芝方散皆以為名按仙芝
圓者為陽方者為陰陰陽對生面青背紫黑色根盤
如蜈蚣四葉對芳五月而花有花無實凌冬不凋叢
秀異於他草生於深山大澤水石之間採以五月五

欽定四庫全書

衛濟寶書

日採訖擇根令齊便於急水中擺去沙土掛於微帶
風日處不可大把疊束恐爛不佳而氣味無力方圓
各收一處不可相雜既乾臨時用方圓兩根各作一
包無令差誤每用磨子磨之不得近鐵取極細為度
忌僧尼婦人孝子雞犬一切厭穢見之揀天德月德
天醫或七月七日吉日合之依此法則其驗如神尋
常疎縱不依此法則功效便遲矣人既尊奉此藥不
可不虔為製造 殺毒定瘡即以為散用醞醋調之



根傳其頭圓者傳其右方者傳其左一箇時辰當住
大痛若不住加一服又不住可加後藥

仙芝根葉 共一兩半 梓寄生 兩半 夜明砂 一分

右依前法厚調傳之風毒盛極加 趙侯鬚一兩本

草名敗醬絲瓜半兩生者佳冬日無可霜前收臨時

末之以傳生者則細切石白中杵絞汁以一盞當一

兩不用醋調只用汁調更佳此物亦有陰陽長瘦為

陽短肥為陰可偶用之 如烟漿沸潑風毒火丹甚

欽定四庫全書

衛濟寶書

者可加 夜明砂通前半兩真牛黃一字犀角水磨

半錢不然細末之 依前法不用醋調以絲瓜汁犀

角水調傳

服食仙翁指授散

仙芝 四兩方圓根莖枝葉對用製如前法 絲瓜 一兩 夜明砂 一分

右每用三大錢溫酒調下病在上者先食後服凡毒

盛者加 趙侯鬚一兩犀角末半錢 每用三錢酒

調下飲酒悶者木通湯下 如烟漿者加 牛黃一



錢赤茯苓半錢 用酒調下

老翁神杖散

梓寄生 兩一 夜明砂 兩一

右為細末每用二錢溫酒調下催服依仙芝式敷藥

如前以醋調之絲瓜汁尤佳 梓寄生即梓樹上老

寄生藤自地下量起與人額齊以下者不用以上者

取七尺如無只取三尺六寸每條皆如此若一藤一

枝者不取一藤二枝者可取擇二吉日採無令人多

欽定四庫全書

衛濟寶書

見採歸以利瓷片輕手刮去外黃皮再刮取中間白

肉內心不用瓦上慢火焙乾磨子磨之五月五日尤

佳

玉女飛花散

蜀桑根 取大者

右即芫花根不用木五月五日採水中輕輕洗去土

燒淡醋令沸以花根於醋中一走過覺色變白如寄

生法當日採當日刮令極細每服一字溫酒一大盞



放藥于盞良久面上花飛服下催服如入門式傳以
絲瓜汁醋調亦可

趙侯鬚散

趙侯鬚即敗醬草

乾者
四兩

苦辣回根

七寸

甘草節

三寸

乳香

一錢

穿山荷根

即蒲桃藤
根七寸

右生搗為粗末乾者為細末共為一劑分三服每服

用好酒三升半煎至七分去滓服傳用酒調依上法

六化丹 即犀角丸易名以神貴其藥而俗子所珍因

欽定四庫全書

衛濟寶書

其能化風化熱化毒化結化積化膿為水故曰六也

犀角

生者
一兩

黃芩

一兩

大黃

一兩

巴豆

半兩去
心出油

升麻

一兩

當歸

一兩

梔子仁

一兩

白薇

一兩

甘草

一兩
炙

天南星

一兩

黃耆

一兩
半

防風

去蘆
一兩

右為細末以早潮順流新汲水丸如梧桐子大每服

五丸不拘時候隨證量人大小用之

十奇散 本法稱此藥無情全不類治癰疽者然古聖

神工所制殆不可測不拘老幼已潰未潰服十二服



立效據考證今收入平補藥中庶幾的中

人參 一兩 去蘆 當歸 一兩 去蘆 黃耆 一兩 川芎 半兩 白

芷 半兩 桔梗 半兩 用苦者 不可用甜者 甘草 半兩 炙 桂 半兩 薄者

去皮 厚朴 半兩 去皮 薑汁製 防風 半兩

右為細末每服二錢溫酒調下催服如前法本法加

至六錢止

逼毒散

當歸 一兩 枳殼 一兩 去瓢炒 甘草 一兩 炙 白芷 一兩

欽定四庫全書

衛濟寶書

貝母 三兩 去心

右為細末每服二錢酒水各半盞煎至六分日四五

服

黃真君妙貼散

硫黃 好者不計多少

右用蕎麥麪為窩子包黃在內於熱火中兩邊煨令

黃黑取出入乳香半兩細研用井花水調以熟絹剪

如所腫樣貼之留竅日兩易



托裏地脈散

當歸 地蜈蚣 赤芍藥 甘草 各一兩

右為細末每服二錢溫酒調下

黃芩散 洗瘡腫爛處化惡血膿汁活血調榮衛

黃芩 二兩 秦皮 真者 莽草 細辛 白芷 川芎

黃連 各半兩 羌活 一兩半

右為粗末每用一兩半以豬蹄煮熟去蹄入前藥煎

數沸通手以綿惹洗癌瘡直至藥冷為度洗後使麝

欽定四庫全書

衛濟寶書

香膏貼春冬一日一洗夏秋一日兩洗

秦皮散 破與未破宜先洗以此藥消逐惡肉膿水

秦皮 三兩 莽草 二兩 細辛 苦參 各一兩半 黃芩

當歸 各一兩

右為粗末每洗時用豬蹄湯和藥一兩同煎二十沸

去滓通手以綿惹洗以五枝煎貼之

芎黃散 洗疽瘡化毒氣散膿汁生肌肉止疼痛

川芎 大黃 黃芩 何首烏 各五錢 當歸 黃



連香白芷 各三錢半

右為細末搗爛每用豬蹄湯煎藥數沸去滓以綿惹洗之藥冷止

豬蹄湯

豬蹄 一隻治如食法 黃耆 三兩 黃連 三錢 芍藥 三兩 黃

芩 二兩 狼牙根 二兩 薔薇根 二兩

右以水三斗煮豬蹄令熟澄取二斗六升或一斗六升下諸藥煎取一斗去滓分三服洗瘡

欽定四庫全書

衛濟寶書

槐白皮湯

槐白皮 一兩 桑白皮 紫藤香 即降真香 防風 各半兩

右以咀水三升煎至一升半代豬蹄湯洗

燻藥

雄黃 好者一兩 雌黃 一兩 蚌粉 三兩

右為細末用闊口瓶入米醋一升不蛀皂角一挺藥末五錢同煎至沸以氣燻瘡氣冷欲盡再燒羊脰炭投醋中取氣燻之直至炭淬醋盡為度日一用



<p>活血散 治膿出不快肢體悶痛寒熱無時口苦舌乾 不思飲食</p>	<p>金星草 <small>葉五</small> 川芎 羌活 <small>各一分</small> 人參 <small>兩半</small> 甘草</p>	<p>節 <small>三分</small> 右為末每服二錢溫下日三服如大腫赤疼痛用麥 門冬五錢搗爛熱調令清以鷲毛刷在癰腫癥上</p>	<p>輕肌散 止疼化毒膿除寒熱煩燥脚手無力四肢倦 虛渴氣乏不勻</p>	<p>欽定四庫全書 衛濟寶書 慈姑 <small>兩一</small> 何首烏 甘草 <small>各三分</small> 獨行 <small>一兩去皮</small> 地</p>	<p>黃 <small>兩半</small> 蝦啾啾 <small>三分</small> 右為末每服二錢水一盞薄荷七葉煎至八分溫酒 調下</p>	<p>大車螯散 車螯 <small>一箇黃泥固濟煨通紅</small> 大戟 <small>淨洗</small> 芫花 <small>炒醋</small></p>	<p>漏蘆 甘草 <small>炙</small> 檳榔 <small>各半</small> 甘菊 <small>去梗葉其梗</small></p>	<p>大黃 <small>三分</small> 膩粉 <small>一分</small></p>
---------------------------------------	---	---	---	--	--	---	--	--



<p>右各為末每服二錢車螯末二錢膩粉一錢拌和於更初用瓜萋酒下如人行五里即下惡毒膿血二三行不用止自住凡後生只一服老少加減</p> <p>小車螯散</p>	<p>車螯 二錢 輕粉 二錢 甘草 一分 瓜萋 一箇</p>	<p>右各為末和勻每服二大錢五更初煎瓜萋酒調下</p> <p>內托散 大止疼痛如未破即點破有膿</p>	<p>川烏 一兩 炮 茯苓 三分 苦杖 兩半 獨活 白芷</p>	<p>欽定四庫全書 衛濟寶書</p> <p>甘草 兩半 灸各一</p>	<p>右為末每服二錢酒調下日三服</p>	<p>解關散 治疽毒頭痛寒熱心煩悶燥肌困無力去惡毒膿血</p>	<p>麻黃 三分 去節 大黃 三分 肉桂 半 甘草 半兩 訶</p>	<p>子 五箇 去核 枳殼 木通 各一 木瓜 一箇</p> <p>右為末每服二錢水一盞薑三片葱白三寸連鬚煎至八分通口服片時自然汗出再進數服痛熱即減</p>
---	--	---	--	---	----------------------	---------------------------------	--	---



<p>金花散 順氣補內去邪毒治疽皮燥痛快膿止疼</p>	<p>蒲黃 <small>一兩</small> 赤芍藥 <small>二分</small> 地骨皮 蔓荊子 <small>各半兩</small></p>	<p>石菖蒲 <small>一分</small> 甘草 <small>三分</small></p>	<p>右為末每服二錢溫酒調下薄荷湯亦可</p>	<p>排膿散 去疼膿逐惡血化腫毒退寒熱</p>	<p>防風 <small>一兩</small> 洗 仙靈脾 <small>即淫羊藿</small> 甘草 <small>炙各半兩</small> 川芎 <small>半兩</small></p>	<p>白芷 <small>三分</small> 人參 <small>半兩</small> 細辛 <small>半兩</small></p>	<p>右為末每服二錢溫酒調下如不飲糯米湯調下不</p>	<p>欽定四庫全書 衛濟寶書</p>	<p>拘時候</p>	<p>五積勻氣丸 治五發風毒逐餘毒惡氣行血脈</p>	<p>杏仁 <small>八十一粒</small> 去皮尖 巴豆 <small>八十一粒</small> 去皮研 木香 <small>一分</small> 黑</p>	<p>附子 <small>一分</small> 當歸 <small>一分</small> 小坯 <small>蘇木半兩即</small></p>	<p>右為末和勻用糯米煮飯為丸如菘豆大每服五丸</p>	<p>臨臥用薄荷湯或薑湯吞下量虛實加減</p>	<p>敗毒散 已破宜服逐惡毒流清去毒濁</p>	<p>麻黃 <small>一兩</small> 分去節 白朮 蒼朮 荊芥 <small>各一兩</small> 甘草</p>
-----------------------------	--	---	-------------------------	-------------------------	---	---	-----------------------------	------------------------	------------	----------------------------	---	--	-----------------------------	-------------------------	-------------------------	--



<p>三分 灸 大黃 兩半 薄荷 一分 <small>生花者</small> 黃芩 兩半</p>	<p>右為末每服二錢水一盞葱白三寸煎至八分不拘時候</p>	<p>托裏散 止疼托裏固濟臟腑</p>	<p>山蜈蚣 兩二 當歸 分二 地黃 去土 甘草 灸 厚朴</p>	<p>灸 白朮 白芷 川芎 各半 川烏 三分 炒 黑</p>	<p>豆 合一 麻黃 三分 去節</p>	<p>右為末每服一錢溫酒調下如不飲酒水一盞薑三片薄荷五葉同煎至八分日進三五服</p> <p>欽定四庫全書 衛濟寶書</p>	<p>內補散 已破而膿汁出多瘡壞爛肌肉未生宜服此方</p>	<p>附子 一兩 炮 粉草 三分 灸 茯苓 兩半 陳皮 兩半 去白</p>	<p>白薑 一分 人參 三分 麻黃 兩半 官桂 一錢</p>	<p>右為末每服一錢葱白三寸棗一箇煎七分服</p> <p>內消散 已破去膿積瘀血止痛退寒熱進飲食活百脈</p>
--	-------------------------------	---------------------	---	--	------------------------------	---	-------------------------------	---	--	---



<p>紅內消<small>二兩</small> 何首烏 玄參 苦參 蔓荊子</p>	<p>葳靈仙<small>各半兩</small></p> <p>右為細末每服二錢溫酒調下熱水亦可不拘時</p>	<p>活體散 治瘡毒熱痛燥肢節疼痛食減少無味</p>	<p>天麻<small>一兩</small> 酒浸 川山甲<small>三分</small> 醋炙 草薺<small>半兩</small> 羌活<small>一分</small></p>	<p>甘草<small>三分</small></p> <p>右為細末每服二錢酒調下不拘時</p>	<p>五參丸 治疽瘡經延日月傳成冷疽毒宜服此藥</p>	<p>欽定四庫全書 衛濟寶書</p>	<p>丹參 人參 苦參 玄參 沙參 蔓荊子</p>	<p>何首烏 紫苑 威靈仙 木香<small>各三分</small> 乳香<small>一分</small></p>	<p>右為末煉蜜丸如梧桐子大空心用麝香酒下三十</p>	<p>丸或四十九</p>	<p>內消丸 解利風毒氣癰疽發之毒作痛煩</p>	<p>黑附子<small>半兩</small> 炮 川烏<small>炮去皮尖</small> 草烏<small>水煮熟去皮</small> 乾蝎</p>	<p>僵蠶<small>各一分</small> 雄黃<small>半兩</small> 研</p>	<p>右為末煉蜜丸如菉豆大每服二丸薄荷酒嚼下大</p>
---	---	----------------------------	---	--	-----------------------------	---	---------------------------	--	-----------------------------	--------------	--------------------------	---	---	-----------------------------



<p>段發急者只作散子每服一錢薄荷酒調下</p>	<p>內消活關輕竅散 可同內解散間服更將疽發中金</p>	<p>花散同煎服如欲洗亦用芎黃散洗後用百花膏貼</p>	<p>如漸覺消退未十分好更服療中內托散固濟丸再</p>	<p>用療內秦皮散洗之碧油五枝煎膏藥貼之不然使</p>	<p>癌發內作檳榔散亦得</p>	<p>附子 <small>半兩 炮</small> 川烏 <small>半兩 炮 去皮尖</small> 草烏 <small>一兩 半 如前法</small> 麻黃</p>	<p><small>去節</small> 沈香 <small>一分</small> 蒼朮 <small>三分</small> 防風 <small>半兩 炙</small> 草薺 <small>一分</small></p>	<p>欽定四庫全書 衛濟寶書</p>	<p>杜仲 <small>半兩 炙</small></p>	<p>右為末每服二錢水一盞薑三片棗一箇煎七分通</p>	<p>口服</p>	<p>生肉膏 凡瘡既愈肉漸滿可將收口且用收口藥微</p>	<p>摻一層乃用生肉膏蓋之五日後去膏用正收藥仍</p>	<p>蓋以油單忌傷風也</p>	<p>檳榔 <small>半兩</small> 生地黄 <small>二兩</small> 辛夷 <small>二兩</small> 薤白 <small>五兩</small> 獨活</p>	<p>當歸 大黃 白芷 芎藭 黃芩 芍藥 續</p>
--------------------------	------------------------------	-----------------------------	-----------------------------	-----------------------------	------------------	--	--	------------------------	-------------------------------	-----------------------------	-----------	------------------------------	-----------------------------	-----------------	--	----------------------------



斷 兩各一	麝香膏 長肉逐敗血合瘡口	黑附子 生半兩	肉豆蔻 去皮五箇	陳皮 去半兩	皂角
肥者 三莢	檳榔 箇四	羌活 分一	黃連	白芷	當歸
兩各半	白薑	大黃	縮砂 兩各一		
右細搗微爛麻油一觔於鐺內同煎又慢火煎至一 半藥焦黑為度去滓再入淨鐺煎滾入黃丹篩過者	欽定四庫全書	衛濟寶書			
五兩又入油煎乾一半許以淨甕鉢盛之放地下出 火一日	桃紅散 治瘡口未合爛臭瘀肉未去時水出以此糝 之	黃丹 紙炒一兩隔	硫黃 分三	茱萸 分三	輕粉 錢四
右為細末用麻油調和再乾之洗瘡拭後糝之	白檳榔散 收瘡口長肉				
檳榔 炒	白芨	大蘗 皮去粗	木香 兩各半		



右為末輕粉二錢和勻如瘡乾即以臘月豬脂調藥
傅之濕則乾糝

紅雪散 斂瘡口長肉

黃蘗 黃連 各一兩半 黃丹 三分隔 輕粉 二錢

右為末凡經十飲次洗後其爛肉瘡膿不盡方用此
生肌藥 凡癰疽已潰多有瘡肉壞在四旁遂令瘡深
寢至斷筋蝕骨法須去瘡肉用速急生肉藥庶幾不
令傷風日久不愈去瘡肉法淡醋一碗入鹽一字以

欽定四庫全書

衛濟寶書

雞羽輕輕拂瘡肉處少頃用竹片夾縛作一摘鑷子
摘去瘡肉以藥糝之

川烏 一分 訶子 三箇 紫藤香 一分 生硫黃

食茱萸 各半兩 龍骨 白薇 各一錢

右為細末乾糝却用生肉膏浮虛蓋之勿令相著其
肉立生如瘡乾恐痛或乾已痛則用茱萸四十至五
十粒清油一燈盞煎取茱萸焦調傅住


捍骨散 安愈後宜用之



牡丹皮 <small>一兩</small>	柴胡 <small>三分</small>	赤芍藥	茯苓	白芍藥
當歸 <small>各半兩</small>	甘草			
右為末每服一錢半水一盞薑三片棗一箇同煎至八分通口服一日三服不拘時				
乳癰				
凡乳癰易明皆由氣逆寒熱相乘榮衛縫結故乳汁不行而生癰四十以下治之多愈四十以上十愈四五未成者吸其乳非乳者下其已成者如癰法治之在乳房				
欽定四庫全書				
衛濟寶書				
而不善治腐漏者三年而死中乳房者不救				
<small>此句言鍼</small>				



鍼乳癰圖



欽定四庫全書

衛濟寶書

乳癰方

萱草根

右搗爛酒浸服滓傳

又方

苣霜葉

右不計多少取陰乾為末如急用則焙乾之以井花

水調塗不若取絲瓜汁調最妙此藥貼塗發背一切痛

癰與玉女飛花散為表裏



疥癬方

牛角片 切成

蚌粉匕 三錢

糯米安角上同于炭火
上煨成灰取七錢

右作五服嚼乳香酒下乳香入在內尤佳

導經散子

皂角灰 蛤粉

右為細末半錢或一字溫酒調下急以手揉乳傳以

天南星末用水調上未效加木鼈子以醋調塗次服

欽定四庫全書

衛濟寶書

栝樓散

栝樓散

栝樓兩 一 乳香錢 一

右為細末每用一錢溫酒調下如有乳者急以紙五

寸闊一片用火燒於三升許瓶中火欲過未過便以

瓶口掩乳以手扶定其乳吸在瓶中覺颼颼乳在瓶

則便取去急洗以藥若本無乳依癰法治危亦林得

者加石膏
末少許



軟癬

問曰軟癬之稱何由有此答曰大人毒存而為漏小兒毒存而為軟癬逼其毒而已矣

止痛水銀膏 尋常小可瘡癬無膿而痛不可忍諸藥

所不能止者用此立效

水銀一分 寒水石一分 巴豆二十七粒 硃砂

硫黃 犀角 白薇各半 海螵蛸 黃丹各

右先以津液調和水銀如泥後和諸藥末用米飲丸

欽定四庫全書

衛濟寶書

如兩梧桐子大取新汲井水研藥一丸當瘡心點之

如冰透內則住不然加之以知為度服金石人用砂

糖為丸去海螵蛸加朴消半兩井花水頓進五粒便

下然須識證者可使否則虛實失宜矣

軟癬方 宜用淡豉餅

薤白 淡豉等分

右二味共舂作餅掩之留瘡口泄氣

又方



<p>槐樹上自起皮 青布灰 伏出兒雞子殼<small>燒瓦上</small></p> <p>輕粉</p> <p>右為細末調塗之</p>	<p>又方</p> <p>銀鍋子為細末調塗之極妙雞子白調亦可</p>	<p>治清丁</p> <p>穀精草 蟬殼<small>各一兩</small> 蒼朮<small>五兩</small></p> <p>右為末每服一錢水調服食前仍以鍼刺丁出水用</p>	<p>欽定四庫全書</p> <p>衛濟寶書</p>	<p>桑柴灰汁洗之立效</p>				
---	------------------------------------	--	---------------------------	-----------------	--	--	--	--



